

QVÆSTIO MEDICA

CARDINALITIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS IV. MARTII.

(1) M. ROBERTO TVLLOVE, Doctore Medico Moderatore.

(1) 1038.

Inducit-ne Somnum Venus Moderata?

VT nox & dies diuidunt tempus, sic vitam hominis Somnus & Vigilia; vtriusque affectionis longè impar nobilitas, necessitas ferè compar; Vigilia nihil aliud quam vita ipsa est, Somnus gelidæ licet mortis sit imago germana, vitæ in dies renascentis quodammodo est parens: Vigilia aulici blandientis ad instar cunctis animæ placitis facilem se præbens corporis ætarium exhaurit, Somnus huiuscemodi iacturæ quasi inuigilans nouas opes perpetuo subministrat: hinc vita nostra in otium & negotium distincta non alterius experts modo, sed ne quidem sine debitâ vtriusque commoderatione ad longam protrahi non potest senectutem: hanc mediocritatem pauci cum feruent, multi excessus incommoda patiuntur. Molles dum suo genio effeminati indulgent seiplos plerumque in feralibus linteis sepeliunt, fortiter cum ἀνιστοῦν illius Scopeliani præceptis instituti à minore somno generosiùs abhorrent, in maiorem sapius se præcipitant: Vtriusque modum imponet Medicus qui æstuantis in nobis caloris natui fluxus & refluxus apprimè callucit.

QVI calorem natuum vsque adeò venerati sunt, vt totam in ipso animæ essentiam collocarent, nubem pro Iunone captarunt; qui rerum omnium quas præstat in corporibus nostris admiratione percussi, cœlestis cum esse ignis particulam credere, admirationis matrem amplexi sunt; qui demum elementaris duntaxat Naturæ esse consortem voluere, ij soli veritatem coluerunt: viuificum tamen hoc Nectar, caducæ licet elementorum sortis sit compos, dum eius animæ cuius imperio additum est, viribus extollitur, tanta cum ea affinitate & necessitudine videtur esse coniunctum, vt non minus legitima Stoiçi, dum illud pro animâ adorant, quam Persæ, cum solem pro Deo, exultatione sint excipiendi, non secus enim ac pro alterno solis ortu aut occasu in rerum vniuersitate vitæ & mortis ludit alternatim imago; ita pro vario calor ad sensuum organa appulsu aut recessu quædam in cunctis animalibus vitæ & mortis reciprocatio animaduertitur. Enimvero statim atque communis sensus à viuifico calore definit foueri, præcepto oritur sensuum omnium ἀδυναμία, defessumque animal in viuendi & non viuendi interliminio collocatur, hoc est somno sopitur, quem rectè definieris primi sensus κατὰ φύσιν, ex calor innati ad partes internas motione, qua virtus animalis fatigata reficitur, & naturalis valentior redditur.

CVM Somni causam statuis σιῶσις, siue contractionem calor ad interiora, caue ne huiusmodi recessum fieri tantummodo existimes per ἀνιστάμεν quandam ex refrigeratione & grauitate capitis ortam, sunt quippè plures aliæ causæ quæ hunc calorem remouent, ipsiusque ad sensuum organa ἐνσυναμίην præpediunt, si quando enim multi crudique humores in prima regione stabulentur, Natura exercitati Imperatoris more, neglectis vnde non tantum periculi imminet sensuum functionibus, calorem in quo tota eius domus inclinata recumbit ad suppetias facultati naturali opportunè ferendas illuc confert: Remoræ interdum loco sunt eidem calori narcotica, aliaque refrigerantia quorum virtute immobilis quodammodo factus sistitur in suo fonte, necessariamque cerebro facultatem non elargitur: plerumque ex variis animi pathematis, tum labore, lassitudine, venæ sectione & purgatione imbecillior redditus, quo refarciatur illa iactura, ad suam arcem sese recipit: huc adde refrigerantia ad mota quæ à sensuum organis eum deturbant, obstruentia & adstringentia quæ ad ea ipsi viam præcludunt: denique multa consuetam illius anadromen reuellendo intercipiunt vt lotiones, frictiones, extremorum titillationes, in quibus non immerito principem locum tribuimus ei quæ ex venere percipitur voluptati.

BREVE ita ac fragile est, in iis etiam quibus largissimè contingit, vniuersum æui tempus, tamque exactâ lege mortis pallores cum vitæ amœnitate confunduntur, vt ortus nostri ianuæ sit propior letho, nihilque aliud esse videatur vel quæ sub foeliciori aspectu conceditur Νῆσις quam ἐς τὴν γλῶττιν. Fatali huic interitus necessitati prouidit Natura mirabili illa procreandi libidine quam, vt species salua conseruaretur, cunctis viuentibus inleuit, cuius impetu excitatum vnumquodque indiuiduum, cum mortale & dissolubile se sentiat, aliud sibi simile optat in suum locum reponere, per quod quasi repuerascens, atque renouatum quodammodo perpetuum fiat, conditionemque, quantum in se est, subeat diuinam: perfecta animalia propter sensum motu prædita distinctumque idcirco maris ac fœminæ sexum sortita, cum mutuas sibi ad generationem præstent operas, mutuam etiam complexum, & vt ex ambobus quasi vnum fiat animal, corporum quo potest fieri modo coitum requirit: in eum vsum constructa sunt à Naturâ vtriusque sexus genitalia, quæ vt acutiùs sollicitarentur, incredibili voluptatis æstro perfudit propter copiam spirituum ab vniuerso corpore ad partes exquisitissimi sensus cum semine ἐνσπυριαντων.

VENVS specierum conseruatric, corruptionis indiuidui sapius est mater: dumque hac in parte natura particularis vniuersalis voto immoderatiùs respondet, violentas plerumque ipsa sibi infert manus: hinc salaces & qui semine redundant ocysimè senescunt, Mulus equo & asino ex quibus procreatus est plus temporis viuunt, & in passerum genere raæres breuiorem quam fœminæ vitam obtinent. Neque tamen idcirco Naturam noueratus temerè insimula? Proderit & tuæ conseruationi Venus, si hac mediocriter vtare; salutare non minus quam iucundum est illud exercitij genus, nec inferiorem ad sanitatem vim habet Domitiani Clinopale, quam Socratis saltatio, plethoram minuit, Athletas torpentes restituit, lumborum dolori, oculorum hebetationi, pituitosis ac melancholicis opitulatur, quid plura? insignis illa quæ tunc temporis percipitur voluptas, calorem natuum à superioribus partibus ad inferiores reuellit, vnde sequitur sensus primi κατὰ φύσιν, ac proinde somnus. Ne tamen tuæ libidini ita seruias, vt mediocritatem non serues, si enim in quacumque alia re cauendum ne quid nimis, tum maximè in venere, vt pote in qua homo aliis exiliat ex homine. Itaque lex ista ob oculos semper tibi ponatur, labor, cibus, potus, somnus, Venus, omnia mediocria.

Ergo Somnum inducit Venus moderata.

Proponebat Lutetiæ NICOLAVS MORIN Turonensis, A. R. S. H. M. DC. LV.

